



**Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 22. Ebbo Archiepiscopus Remensis.

---

[urn:nbn:de:hbz:466:1-66103](#)

**Sæculum IX.** nemo Scriptorum litteris prodidit. Sum-  
**A. C. 816.** pto deinde pane & vino in Benedictio-  
 nis signum, Imperator Rhemos rediit, &  
 Papa in Monasterio S. Remigii extra mu-  
 ros Civitatis posito remansit. Altera  
 die Imperator Papam ad mensam invita-  
 tum lautissime pascit, & donis magnifi-  
 cis cumulat.

Die tertia Papa Imperatorem invita-  
 vit ad convivium & dona præparata ei-  
 dem, Imperatrici & Proceribus tradidit.  
 Die vero sequente, quæ erat Dominica,  
 Papa ante Missam denuo Imperatorem  
 unxit, coronam capiti imponit gemmis  
 distinctam, quam ad id ipsum attulera ,  
 & iterum coronam aliam Irmgardis im-  
 posuit , quam Augustam appellavit.  
 Quamdiu deinde ibi diversatus est Pon-  
 tifex, singulis diebus cum Imperatore de  
 causis Ecclesiæ colloquebatur. Tandem  
 omnibus, quæ petebat, impetratis, & mu-  
 neribus multo pretiosioribus, quam ipse  
 Imperatori dederat, onustus, in Italiam  
 viam relegit.

### §. XXII.

#### *Ebo Archiepiscopus Rhemensis.*

**op. Car. Cal.**  
**to. 8. Conc.**  
**876.**

**W**ulfario Archiepiscopo Rhemensi sub  
 idem tempus, nempe decima o-  
 ctava Augusti anno octingentesimo de-  
 cimo sexto fatis functo, populus conce-  
 dente Imperatore elegit Archiepiscopum  
 Rhemen-

Rhemensem quedam nomine Giselma- Sæculum IX.  
 rum, qui coram Episcopis sedens, ut ex- A. C. §16.  
 amen subiret, cum sibi Textus Evange-  
 lii explicandus traderetur, vix eum le-  
 gere potuit, prodiditque, se verba nulla-  
 tenus intelligere. Ergo ob ignorantiam  
 rejicitur. Tunc Imperator suasit, ut Eb-  
 bonem eligerent, quod tam populus  
 quam sapientiores ratum habuerunt. Is  
 natus erat servus in quodam prædio  
 Regis ultra Rhenum posito, & collacta-  
 neus Ludovici Imperatoris, quocum ju-  
 bente Carolo Magno in Regia educatus  
 & libertate donatus est, quod in adole-  
 scente elegans ingenium & eximium bo-  
 narum litterarum studium eniteret.  
 Missus deinde in Aquitaniam cum Lu-  
 dovico, cum a Carolo Magno illud Re-  
 gnum moderari jussus est, ut haberet fi-  
 delem Ministrum, Bibliothecarii munus  
 accepit. Jam tunc Ordinibus Sacris erat  
 insignitus, & Abbatiali Dignitate auctus  
 erat, cum anno isto octingentesimo de-  
 cimo sexto Archiepiscopus Rhemensis  
 canonice ordinaretur.

### §. XXIII.

#### *Regulæ Canonicorum.*

Eodem anno mense Septembri, Indi- *Astronom.*  
 ctione decima inchoata, Imperatore <sup>to. 7. Conc.</sup>  
 Episcopos Aquisgrani congregatos ex- <sup>p. 1307.</sup>  
 hortante, ut Regulam pro Canonicis